

# MAPA WA MAITELE A THENDELO YA MUPO

## AFRIKA TSHIPEMBE

LIŃWALWA

Thendelo Ya Mupo

LUSHAKA LWA TSHIKO

Minerala Dzothe

TSHIKALO

U Maina Hothe

VHAKWAEAHO

Muiti wa khumbelo  
(Mumaini)Muhasho wa Zwiko zwa  
Minerala na FulufuluMulanguli wa Dzingu  
(fhasi ha Muhasho wa Zwiko  
zwa Minerala na Fulufulu)Muhasho wa  
Mafhungo a MupoVha re na dzangalelo  
na vhakwameaho

A hu na muthu kana khamphani ine ya do toda kana u maina - kana u ita zwivwe zwithu zwi re na vhushaka na u maina zwiko zwa minerala kana zwivhaswa - nga ndja ha musi vho thoma vha wana thendelo ya mupo. U wana izwi, vha fanela u ita Vhutoli ha Masiandoitwa kha Mupo.

EIA ndi vhutoli ha khonadzeo ya masiandoitwa o lavhelelwaho ane mveledziso ine ya khou kumedza ya nga vha nao kha mupo. Izwi wi katela maitele a vhuvhudzisi. Mulayo wa Ndangulo ya Mupo wa Lushaka u vhea milayo ya ndangulo ya mupo ine ya fanela u endedza u dzhia tsheo kha mupo tshifhinga tshothé tsha mutevhetandu wa u maina.

Musi muthu a tshi ita khumbelo ya thendelo ya mupo, muiti wa khumbelo u fanela u kumedza EIA khathihhi na muvhigo wa mutheo wa vhutoli, tsedzuluso na muvhigo wa vhutoli ha masiandoitwa a mupo, mivhigo i bvaho ha vhađivhi (u fana na muđivhi wa zwa mađi, vhađivhi vha marorama, vhađivhi vha bayodaivesithi na vhađivhi vha vhufa), mvetamveto ya mbekanyamushumo ya ndangulo ya mupo, maano a mavalele na u divhadza nga ha masheleni.

Muiti wa khumbelo u ita khumbelo ya thendelo ya mupo kha Mulanguli wa Dzingu (ofisi fhasi ha Muhasho wa Zwiko zwa Minerala

na Fulufulu) wa dzingu line vha khou tama u maina kana u tandula. Thendelo i fhedza yo netshedzwa nga Minisita wa Fulufulu na Zwiko zwa Minerala.

Vhathu vha na pfanelo ya u humbela khathululo ya thendelo ya mupo, ine ya do imisa mashumele a thendelo u swika khumbelo ya khathululo i tshi fhedzwa. Maitele a khumbele ya khathululo a langwa nga Minisita wa zwa Mupo, Mađaka na Vhureakhovhe.

## THENDELO YA MUPO

MAGA

VHAKWAEAHO

### 1 U ITA KHUMBELO

Musi ramigodi kana muđodi a tshi kumedza khumbelo ya u maina kana u thendelo ya u tandula, vha fanela u kumedza mazha khumbelo ya thendelo ya mupo. Vha fanela u kumedza nga inthanethe kha (SAMRAD) na u badela mbadelo dla khumbelo dzi sa vhuyi murahu.



**1.1** Musi Mulanguli wa Dzingu a tshi ḥanganedza khumbelo ya inthanethe, u nea ndaela Muiti wa khumbelo u kumedza mivhigo ya mupo yo teaho.



### 2 NĐIVHADZO NA VHUVHUDZISI

Mulanguli wa Dzingu u netshedza Nđivhadzo ya Tshiteňwa 10 tsha Mulayo wa Mveledziso ya Minerala na Zwiko zwa Zwivhaswa, une wa toda uri Muiti wa khumbelo a ḥivhadze vha re na dzangalelo na vhakwameaho nga ha khumbelo yo kumedzwaho na u ḥanganedza vhuđipfi u bva khavho.



**2.1** MADUVHA A 30 Muiti wa khumbelo u ḥivhadza nga u tou ḥwala na u vhudzisa muđe wa mavu, a dzulaho afho a re mulayoni na vhađwe vhakwaeaho, a kumedze mvelelo dla vhuvhudzisi uho kha Mulanguli wa Dzingu hu sa athu fhela mađuvha a 30 u bva kha ḫuvha ja Nđivhadzo ya Tshiteňwa 10.



# THENDELO YA MUPO

## AFRIKA TSHIPEMBE

### 3 VHUTOLI

Hu tevhela maitele o fhambanaho zwi tshi ya ngauri ndi pfanelo ya u ḥoda u maina kana pfanelo/thendelo ya u maina. Pfanelo ya u ḥoda u maina i ḥoda muvhigo wa vhuṭoli wa mutheo. Thendelo na pfanelo dza u maina dzi ḥoda tsedzuluso kwao na muvhigo wa vhuṭoli ha masiandoitwa kha mupo. Izwi zwi sedzelwa thungo nahone kha vha sedze zwi no khou tevhela.

### 4 VHUTOLI HA MUTHEO WA PFANELO DZA U ḥODA U MAINA

**4.1** Muiti wa khumbelo u fanela u kumedza Maano a Ndangulo ya Mupo, na Muvhigo wa Vhuṭoli ha Mutheo.



**4.2** Hu farwa muṭangano na vha re na dzangalelo na vhakwameaho u nea vhuḍipfi nga ha mvetamveto ya Maano a Ndangulo ya Mupo na Muvhigo wa Vhuṭoli ha Mutheo.



**4.3** Mvetamveto dza mivhigo dzi kumedza kha Muhasho wa Zwiko zwa Minerala na Fulufulu itela u vhalululwa.



**4.4** 4.4 Minisita wa Zwiko zwa Minerala na Fulufulu a nga tenda kana u lamba khumbelo ya thendelo ya mupo.



**4.5** **KHUMBELO YA KHATHULULO**  
Vhaiti vha khumbelo kana vha re na dzangalelo vhane vha si tendelane na tsheo ya Minisita vha nga humbela khathululo kha Muhasho wa Mafhungo a Mupo.

### 5 VHUTOLI HA TSEDZULUSO U ITELA PFANELO YA U MAINA

**5.1** Mvetamveto ya Muvhigo wa Tsedzuluso i fanela u vha hone kha vhothe vho diñwaliselaho na vha re na dzangalelo na vhakwameaho nahone hu farwa muṭangano u itela u nea vhuḍipfi.



**5.2** Mvetamveto ya Muvhigo wa Tsedzuluso, khathihi na vhuḍipfi ho newaho nga vha re na dzangalelo na vhakwameaho, u a kumedza kha vha Muhasho wa Zwiko zwa Minerala na Fulufulu u itela u vhalululwa.



**5.3** Muhasho wa Zwiko zwa Minerala na Fulufulu u nga tenda kana wa lamba Mvetamveto ya Muvhigo wa Tsedzuluso nahone vha re na dzangalelo na vhakwameaho vha a diñhadziwa.



**5.4** Arali vho tendelwa, Muiti wa khumbelo u newa ndaela ya u kumedza Maano a Ndangulo ya Mupo na Muvhigo wa Vhuṭoli ha Masiandoitwa kha Mupo.



**5.5** Hu farwa muṭangano na vha re na dzangalelo na vhakwameaho u nea vhuḍipfi nga ha Maano a Ndangulo ya Mupo na Muvhigo wa Vhuṭoli ha Mutheo.



**5.6** Mvetamveto dza mivhigo dzi kumedza kha Muhasho wa Zwiko zwa Minerala na Fulufulu itela u vhalululwa.



**5.7** Minisita wa Zwiko zwa Minerala na Fulufulu a nga tenda kana u lamba khumbelo ya thendelo ya mupo.



**5.8** **KHUMBELO YA KHATHULULO**  
Vhaiti vha khumbelo kana vha re na dzangalelo vhane vha si tendelane na tsheo ya Minisita vha nga humbela khathululo kha Muhasho wa Mafhungo a Mupo.

### 6 THENDELO YA MUPO I A NEWA

